



## Kriteriji za dodjelu grantova u oblasti umjetnosti & kulture

### Kriteriji prihvatljivosti

Projekti *trebaju*:

- biti u skladu sa **SDC politikom kulture i razvoja** (dostupnom na sljedećem [linku](#)),
- promovisati jednu ili više od sljedećih tačaka:
  - Umjetnički izražaj, kreativne aktivnosti i predstavljanje radova;
  - Proizvodnju originalnih radova i inovativnih pristupa;
  - Osnaživanje umjetnika i olakšavanje razmjene među umjetnicima;
  - Omogućiti pristup zajednice kulturnom i umjetničkom životu, posebno u ruralnim ili udaljenim područjima;
  - Ponuditi prostor za promišljanje, dijalog i diskusiju o relevantnim pitanjima za društvo, i
- biti implementirani u Bosni i Hercegovini i od strane organizacija koje su registrovane u Bosni i Hercegovini.
- Vrijednost projekta se treba kretati u rasponu od minimalno 10.000 CHF, a maksimalno 200.000 CHF, preračunato u BAM, a prema tečaju na dan dostavljanja projektnog prijedloga. *Prijave će biti pažljivo razmotrene uzimajući u obzir odnos budžetiranih troškova i korist/učinkovitost predloženih aktivnosti, kao i kapacitete podnosioca projektnog prijedloga.*
- Projekti trebaju uključivati finansijski ili nenovčani doprinos podnosioca prijave. Ako je podnositelj prijave lokalna organizacija, švicarski doprinos ograničen je na najviše 80%. Ako je podnositelj prijave javna ustanova ili međunarodna ili švicarska organizacija registrovana u Bosni i Hercegovini, švicarski doprinos ograničen je na najviše 50%.
- Projektnim budžetom trebaju biti obuhvaćeni troškovi eksterne revizije u slučaju da je traženi iznos švicarskog doprinosa jednak ili veći od 100.000 CHF.
- Projekti ne smiju trajati duže od 18 mjeseci niti se protezati nakon 31. decembra 2026. godine.

### Eliminatorni kriteriji

Sredstva za male grantove u oblasti umjetnosti & kulture ne mogu se koristiti za financiranje:

- studijskih putovanja u inostranstvo;
- privatnih poslovnih poduhvata i komercijalnih aktivnosti, osim ukoliko doprinose razvojnim ciljevima i ne dovode do poremećaja na tržištu;
- start-up grantova za osnivanje organizacija;
- pojedinačno;
- stipendija;
- organizacija s vjerskom i političkom povezanošću;
- humanitarnih i sponzorskih aktivnosti;
- kupovine vozila;
- infrastrukture;
- opreme, osim ako je neophodna za provedbu projektnih aktivnosti;
- usluga savjetovanja, planiranja i evaluacije;
- dodatnih aktivnosti u većim projektima gdje švicarski doprinos ne bi bio vidljiv;
- operativnih troškova javnih institucija ili vladinih tijela, uključujući plate službenika;
- druge faze prethodno implementiranog projekta u oblasti kulture i umjetnosti.

## **Kompetentnost i pouzdanost podnosioca prijave**

Partnerska organizacija *mora*:

- imati odgovarajuću organizacionu strukturu i pozitivnu finansijsku historiju,
- dostaviti reference o projektima provedenim u posljednjih pet godina i navesti da li je (i u koje svrhe) organizacija bila korisnik sredstava švicarske vlade,
- pokazati da posjeduje znanje i kapacitete za provođenje predloženih aktivnosti.

## **Kriteriji odabira**

Projekti moraju:

- biti razvijeni na participativan način i odražavati jasnu potrebu među ciljnim korisnicima;
- pružiti kvalitetne informacije i opisati provodivost predloženih aktivnosti (razumijevanje problema, opis aktivnosti i rezultata koji se nastoje postići);
- uzeti u obzir održivost rezultata.

Projekti se *preferiraju* ako:

- uzimaju u obzir jednu ili više sljedećih tema i jasno demonstriraju način kako će iste biti adresirane: socijalna inkluzija, rodna ravnopravnost, uključivanje mladih, dobro upravljanje, suočavanje s prošlošću, ljudska prava, ublažavanja klimatskih promjena;
- potiču i provode razvoj kapaciteta s ciljem boljeg umrežavanja i poboljšanja performansi na individualnom, organizacijskom i širem sistemskom nivou, potičući učenje i osnaživanje sudionika u obavljanju njihovih funkcija i postizanju razvojnih ciljeva;

*Kako bismo osigurali brzu i efikasnu evaluaciju, preporučujemo da projektne prijedloge i prateće dokumente dostavite na engleskom jeziku. Za projekte čija je vrijednost 50.000 CHF i više ovaj zahtjev je obliatoran..*

## **Izveštavanje**

Korisnici grantova su u obavezi dostaviti operativni i finansijski izvještaj (na osnovu finansijske dokumentacije koja se prilaže uz izvještaj) u roku od 30 dana nakon završetka projektnih aktivnosti.